

AKHBAR : HARIAN METRO
 MUKA SURAT : 12
 RUANGAN : LOKAL



'Fist bump' tidak disaran KKM kerana ia mampu menyebarkan virus Covid-19.

Elakkan 'fist bump'

KKM tidak galak tindakan laga tangan babit sentuhan fizikal



Kuala Lumpur

Trend orang ramai ketika ini melakukan *fist bump* atau menggenggam tangan dan melagakannya apabila berjumpa perlu dielak untuk mengurangkan risiko penularan wabak Covid-19, kata **Timbalan Menteri Kesihatan I Datuk Dr Noor Azmi Ghazali**.

Beliu berkata, orang ramai dinasihat berhati-hati kerana perbuatan itu mem-

babitkan sentuhan fizikal yang tidak digalakkan Kementerian Kesihatan Malaysia (KKM).

"Jangan bersalaman dan bersentuhan termasuk lagakan anggota badan, namun kini saya lihat trend bukan sahaja melakukan begini (*fist bump*), tetapi ge-nyeh lagi, adakah kita mencuci tangan selepas itu?"

"KKM hanya anjur hormat dengan meletak tangan di dada dan tunduk hormat, jadi saya lihat trend yang sedang berlaku ini tidak baik dan saya sarankan supaya berhati-hati," katanya pada sesi soal jawab persidangan Dewan Negara, semalam.

Dr Noor Azmi menjawab soalan tambahan **Senator**

Lim Pay Hen yang bertanyakan perancangan kerajaan hadapi wabak Covid-19 yang dijangka oleh saintis akan berlanjutan dua tahun lagi termasuk dari segi perjawatan pegawai perubatan.

Mengulas perkara itu, beliau berkata, Malaysia terbukti sebagai antara negara yang berjaya mengawal dan mengurus wabak itu dengan baik sehingga diiktiraf dunia dan kerajaan melipatgandakan akan usaha itu.

"Kita akan terus memantau perkembangan wabak ini dari semasa ke semasa kerana kita masih belum mengenalinya, senjata yang kita ada ketika ini hanya pelitup muka dan pensanitasi

tangan, selain penjarakan fizikal," katanya.

Sementara itu, Dr Noor Azmi berkata, saringan penguasaan Covid-19 setakat ini hanya dilakukan terhadap individu bergejala serta berisiko tinggi dan buat masa ini tiada cadangan untuk memberikan perkhidmatan itu secara berkala dan percuma kepada guru.

"Kerajaan sudah bangunan prosedur operasi standard (SOP) dalam pelbagai subsektor termasuk sektor pendidikan, justeru mematuhan pada SOP ini adalah penting bagi memastikan tiada penularan jangkitan Covid-19 di sekolah," katanya menjawab soalan **Senator Robert Lau Hui Yew** yang bertanyakan sama ada kerajaan bersedia memberikan perkhidmatan ujian percuma dan berkala kepada guru sekolah. - Bernama

"Jangan bersalaman dan bersentuhan termasuk lagakan anggota badan"
 Dr Noor Azmi

72 individu ingkar arahan PKPP kena tahan

Kuala Lumpur: Polis Diraja Malaysia (PDRM) menahan 72 individu kerana ingkar arahan Perintah Kawalan Pergerakan Pemulihan (PKPP), kelmarin.

Menteri Kanan (Kluster Keselamatan) Datuk Seri Ismail Sabri Yaakob berkata, daripada jumlah itu seramai 70 individu dikompau, seorang direman manakala satu lagi individu dijamin.

"Antara kesalahan ingkar arahan PKPP termasuk tidak memakai pelitup muka (20), gagal menyediakan peralatan/catitan keluar masuk (24), premis beroperasi lebih masa (1), penjarakan fizikal (26) dan lari dari pusat kuarantin (1).

"Pasukan Khas Operasi Pematuhan yang diketuai PDRM juga membuat 58,047 pemeriksaan semalam bagi memantau dan penguatkuasaan pematuhan prosedur operasi standard (SOP) PKPP," katanya dalam kenyataan, semalam.

Beliu berkata, menerusi Op Benteng yang dilaksanakan seramai empat tekong dan 25 penolong asing tanpa izin (Pati) ditahan.

"Selain itu, sebanyak 79 sekatan jalan raya juga dilaksanakan.

"Kerajaan akan mengambil tindakan tegas terhadap mana-mana pihak cuba memasuki sempadan



Kerajaan akan mengambil tindakan tegas terhadap mana-mana pihak cuba memasuki sempadan negara secara haram"

Ismail Sabri Yaakob

dan negara secara haram dan agensi penguatkuasa akan terus menegakkan kawalan kawasan sempadan terutamanya di lorong tikus," katanya.

Berkaitan kuarantin wajib, Ismail Sabri berkata, sejak 24 Julai lalu sehingga kelmarin, 24,961 individu pulang ke tanah air melalui pintu masuk sempadan antarabangsa dan ditempatkan di 70 hotel dan empat Institut Latihan Awam (ILA) di Kuala Lumpur, Selangor, Negeri Sembilan, Pulau Pinang, Johor, Sarawak, Kelantan, Perak, Kedah, Perlis, Terengganu, Sabah serta Labuan.

"Daripada jumlah itu, 9,887 individu sedang menjalani proses kuarantin wajib manakala 66 individu dibantar ke hospital untuk rawatan.

"Seramai 15,008 individu sudah discaj dan dibenarkan pulang ke rumah masing-masing," katanya.

Pandemik tak 'bunuh' industri pelancongan negara


Putrajaya: Pandemik Covid-19 tidak 'membunuh' industri pelancongan negara berikutan 4,252,997 pelancong tiba ke negara ini pada separuh tahun pertama 2020.

Walaupun berlaku penurunan sebanyak 68.2 peratus, berbanding 13.3 juta pelancong yang dicatatkan dalam tempoh sama tahun lalu namun kedatangan pelancong asing masih berlaku.

Tourism Malaysia dalam kenyataannya berkata, perbelanjaan pelancong dalam tempoh berkenaan (Januari-Juni 2020) direkodkan adalah sebanyak RM12.5 bilion.

Ini menunjukkan penurunan sebanyak 69.8 peratus berbanding RM41.6 bilion bagi tempoh sama tahun lalu.

"Perbelanjaan per kapita turut mencatat penurunan



sebanyak 5.3 peratus dari RM3,121.60 pada tahun lalu kepada RM2,956.10 pada tahun ini," kata agensi penggalakan pelancongan

itu semalam. Tourism Malaysia berkata sepuluh pasaran utama pelancongan antarabangsa ke Malaysia adalah Singapura

(1,541,820), Indonesia (702,082), China (401,285), Thailand (348,133), India (153,873), Brunei (135,593), Korea Selatan (118,594), Je-

pun (73,201), Australia (72,103) dan Filipina (64,311).

Menurutnya, ketibaan pelawat harian di Malaysia pula mencatatkan sejumlah 1,712,140 pelancong dari Januari hingga Jun 2020, menurun 64.2 peratus berbanding 4,782,587 orang yang melawat Malaysia bagi tempoh yang sama tahun lalu.

"Penurunan yang ketara bagi jumlah ketibaan pelancong dan pelawat harian ini adalah disebabkan faktor penutupan pintu sempadan Malaysia berikutan penularan pandemik Covid-19," katanya.

Selepas Pertubuhan Kesihatan Sedunia (WHO) mengisytiharkan virus Covid-19 sebagai satu pandemik pada 11 Mac lalu, kerajaan Malaysia menguat-

kuasakan Perintah Kawalan Pergerakan (PKP) yang melarang kemasukan pelancong antarabangsa sejak 18 Mac lalu.

Menurut Tourism Malaysia, kesan pandemik kepada sektor pelancongan turut dilihat di luar sempadan Malaysia, dengan negara Asean lain juga merekodkan penurunan mendadak dari segi pencapaian pelancongan.

Menurut sumber dari Pacific Asia Travel Association (PATA), negara jiran termasuk Thailand, Singapura, Vietnam dan Indonesia mencatatkan pertumbuhan negatif disebabkan larangan perjalanan antarabangsa yang dikuatkuasakan dalam usaha membendung penularan pandemik di negara masing-masing, katanya.